

دفتر مخصوصه

درسعادتده باب عالی جوارنده

محل اداره :

مشرط القیم

۱۳۲۶

اخطار :

مسلكمزه موافق آثار جدیدہ مع المنوبہ
قبول اور انور

درج ایلمہ بن آثار اعادہ اور انور

دیرہ، فلسفہ، علوم، حقوق، ادبیات و سیاسیات و بالخاصہ کرب سیاسی و کرب اجتماعی و مدنی احوال و مشورہ اسلامیہ و بحث ایمر و ہفتہ درہ بر نشر از انور.

آبونہ بدلی

سنہ لکی

القی آیلنی

ممالک عثمانیہ ایچون	۸۰	۴۰	غروش
روسہ	»	۶۰۵	۳۰۵ روبلہ
سائر ممالک اجنبیہ	»	۱۷	۹ فرانق

صاحب و مؤسساری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخہ سی ۵۰ پارہ در

قیرلہ دن مقوا بودو ایله گوندریلیرسه سنوی
۲۰ غروش فضلہ آلنیر

عدد : ۷۸

۲۱ صفر الخیر ۳۲۸ پنجشنبه ۱۸ شباط ۳۲۵

اوچنچی جلدہ

اجرا ایتک تصور ایدلشده بو حالک بیوک تا خراته سبیت ویره جکی نظر دقته آلهرق بورسی اجرا ایچون بخارا امیرینک دعوتی قرار کیر اولدی .

امیرک تختہ قعودینک یکر می بشنچی سنہ دوریه سنہ تصادف ایدن شباطک اون آلتنجی کوننده وضع اساس رسمینک اجرایی قرار کیر اولدی . انشاآت ۱۹۱۱ سنہ سنده ختام بوله جقدر . جامع ، سمرقنده ده کی جامع سیستمنده ، ایکی منارہ لی و بر صراع شکنده انشا ایدیلہ جکدر . جامع اوچ بیک کشی استیعاب ایدیلہ جک وقادینسلر ایچون ده بر محل تخصیص ازلہ جقدر . جامعہ بر مؤذن وایکی امام مأمور ایدیلہ جکدر .

وضع اساس رسمینک یوم اجراسنده جامع انشا ایدیلہ جک محل غایت کوزل بر صورتده تزیین ایدلش و بر چوق ذوات دعوت اولمشدی . امیردن ماعدا اوفہ واورہ نبورغ مفتیلری ، سن پترسبورغ جماعت اسلامیہ سی رئیس عطاء الله بایزیدی و سائر بر چوق اسلام معتبرانی ایله عثمانلی سفیری طرخان پاشا و سفارتخانه مأمورینی ، ایران سفیری و سفارتخانه ارکانی حاضر بولمشلدر . دوماده کی اسلام مبعوثلری رئیسلری خاص محمدوف ایله برانکده اثبات وجود ایتدکلی کی پترسبورغ قیشله سنده کی اسلام ضابطانی ده مراسمده حاضر بولمشلدر .

ساعت ایک یه طوغری امیر کلش ، و باش مفتی سلطانوف طرفندن بردعا قرائت ایدلکدن صکره مشاعر ایله طاشی ، اوفہ مفتیسی ایکنجی ، عثمانلی سفیری اوچنجی طاشی وضع ایلشلدر . بعده تکرار دعائر ایدلش و تعاقباً مدعوینہ بر ضیافت کشیده ایدلشدر . بورسم ، حاضر ونده و اسلاملر اوزرنده بیوک بر حسن تأثیر حصوله کتیرمشدر .

تابولسکی اهالی مسلمہ سنک حاله بر نظر

بوکون تامبول ولایتده دورت بوزبیکه قریب اهالی مسلمہ موجوددر . معیشتلری تجارت ، صناعه و برده بالی صیدیلہ تأمین ایدیورلر .

تابولسکی اهالیسی عمومیتله معارفک قیمتی تقدیر ایدمهین بر قوم اولوب قریه لرده مسجد ، مدرسه کی شیلره اندر اولقی اوزره تصادف اولیور .

چو جقلرک دارالعرفان اولان مکتبلره کیتیمی آنجق سن رشدلری کچدکن صکره نصیب اولیور . بده اولادلرینه بر اثر ترجم کوسترملرندن ایلری کلیور . زعم فاسدلرنجه چو جق کوجوک یاشندن مکتبه ویرمک ظلم ایمش . مکتبک قابولری قیشک نصفی کچدکن صکره آچیلور . ولیرینک فکر نجه چو جق تربیه ایتک الہ رجزه شریف ویره رک آنجق « هایدی مکتبه .. » دیمکدن عبارت اولوب اوتہ طرفی نسبا منسیا براقلیور .

بعضاً بو محیطدن آچق فکری ، تحصیله هوسکار طلبه حیقمده ايسه ده بونلرکده استقبالی قارا کلقددر . چونکه بر کره بویله لری ولایتزده تربیه ایدہ جک ، مکتب ، مدرسه لر یوقدر . خارجه حیقمق

تطبیق ایدیلن اصول ، اسلام معلملرینک اهلیتی اولدیفنی بهانه ایتک طریقدر . بوندن ماعدا اتحاد اسلام ایچون پروپاگاندا ییدقلمی بهانه سیله ده اکثریتله مکاتب سد ایدیلور . روسلری اک زیاده دوشوندرن شی تاتارلرده فکر ملیتک توسع ایتسیدر . اسلاملر آرسنده حرکات ملیه بالخاصه غزته لرده کورلمکده در . قزان وازدرهان ولایتلرنده مطبوعات بیوک ترقیه مظهر اولدی . بوراده انتشار ایدن باشلیجه جرائد (بهانه وق) و (سیشارم) غزته لیدر . کتاب نشر ایدلرده شو صوک زمانلرده تزیاید ایتدی . قزانده بر تاتار تیاترو و کتبخانه سی تاسیس ایدلدی .

اسلاملر ، روسیه مشروطیتک شکل حاضرندن ممنون دکالدر . ۳۰ ملیون اسلامک دوماده انجق ۹ مبعوثی وارددر . حال بوکه حقانیتہ رعایت ایدلسه طقسان مبعوثی اولسی لازمدر . مع مافیه بو طقوز مبعوثده فوق العاده صرف غیرت ایدیورلر . رئیسلری اولان خاص محمدوف فوق العاده جسور ، ذکی و بیوک بر ناطقه یه مالکدر . اسلاملر روسیه ده کوندن کونه تزیاید ایتکده در . ۱۹۰۵ سنہ سندن بری بش سنہ ظرفنده ۵۳ بیک اورتودوقس اسلامیتی قبول ایتشدر . بو مقدار ، حکومتک ایشنه کلدیکی زمان تبدیل ایدیلن رسمی ایستانتیقیلردن آلتشدر . بو سببله مہتدیلمک مقداری دها فضله اولسی مأمولدر . بونکله برابر روسیه اسلاملری فنا کارقلری ایله تمیز ایتشلدر . سن پترسبورغده بر جامع انشایی ایچون آچیلان اعانه دفتری یکونی ، ۳۲۰ بیک روبله یه بالغ اولش و دها لازم کلن ۲۰۰ بیک روبله ده در دست جمع بولمشدر . جامع ، قرون و در سکیده کوزل بر محله بخارا امیری طرفندن اهدا ایدیلن بر عرصه اوزرنده انشا ایدیلہ جکدر . شباطک اون التنجی کونی بخارا امیری ، بر چوق مسلمانلر و بعض رجال دولت حاکم اولدینی حاده وضع اساس رسمی اجرا اولمشدر .

پترسبورغده جامع شریف انشایی

ینه پترسبورغدن عثمانیشرلویده یازیلور :
روس پایتختده پک چوق اسلام بولتمده در . ۲۸۰۰۰ اسلام بوراده بر محله تشکیل ایتشلدر . بالطبع بویکر می سکز بیک کیشی ایچنده صنف کباره منسوب بر چوق ذوات اولدینی کی آرتیست ، محرر ، تاجر و ارباب صنعتده بولتمده در . بوقدر کثرتلی بر جاعتک بر مہدی اولماسی شایان نظردی . بو حال اسلاملرک آراسنده اتحاد و محاذات اساسلرینه مغایر اولدینی ، بر چوق اسلاملرک منافع مشترکه لرینه عائد خصوصاتده لا قید قالملرینه سبیت ویردیکی نظر دقته آلتش و بخارا امیری بوبابده تشبثاتده بولمئی وظیفه عد ایدرک مذهبداشلرینه بو وظیفه یی ایفایه شتاب ایتشدر .

۱۹۰۳ سنہ سنده امیر ، جامع انشایی ایچون اسلام جماعتنه غایت کوزل بر موقعده بر عرصه اهدا ایتدی . قرون و در سکی پروسیه قت جوارنده بولنان بو عرصه یی امیر اوچیوز بیک روبله یه اشترا ایتشدی . جامعک انشایی ایچون لازم کلن مبالغک نصفی جمع ایدلشدر . جامعک وضع اساس رسمی خلیفه و سلطانک سن پترسبورغی حین زیارتنده